

道古堂詩集

道古堂詩集卷十九

仁和 杭世駿 大宗

嶺南集 四

余遊靈洲山畱題二律屬而和者游生

龍門

梁生

拱南 李生 鳳亭 皆與余未相識也浹月脩公偕華

首臺景聞上人過訪袖出新詩感其厚意再賦短句二律託寄三君

壞衲靈峰雨芒鞋華首雲藥材憐鶴病詩卷萃鷗羣林
遠聲名重招提徑路分空山多樂事時遣一相聞

三子才何秀孤僧意獨拳勝遊吾偶遂高唱動相連幽

谷知求友清吟不廢禪山深明月好期放早春船

張高要

魏陶

遣送嘉魚

鄙夫無他營專意事口腹家居江湖間浩淼富水族湖
鯽鱸比絲江鮨烹勝肉其餘鱖鱠鯉瑣猥不足錄策杖
來南中譬弈已換局炎荒闕冰雪地氣少涵蓄百錢謀
盤餐無一可饜屬非無薑桂芼不免腥腐啄廢箸長忍
飢嗔責到僮僕坐是兩頰瘦經歲不能復端州有嘉魚
性不受淤濁噉喙石室底游泳蒼山麓陟冬始上浮干
百自相逐漁子伏殺機網罟恣撈漉蒼梧見未曾丙穴
耳已熟豈若此地佳滓垢能盡浴張侯我同隊蓬池偶

失足知我彈鋏歌清響出茆屋牽舩帶荇藻遠寄一谿
綠撥刺頰尾長斑駁錦鱗簇笑鱸口空巨陋鰓頸常縮
饑扱忍不禁亟令翠釜沃堆盤出芳鮮飽飫豈非福終
餐默自惟俊味恐難續諸生頭角鰓程藝聚筭束妙義
如吞鈎活脫不可捉釣深思嘉魚善譬木山谷山谷次韻冕仲
考進士試卷詩釣深思嘉魚攻璞願良玉情事適相叶會心吾豈獨緘詩報
良友瀾漫遂滿幅臥想魚殮人笑齒粲啓玉

送陸謙之開平

堂上生松樹江邊繫客舟薄遊非慕邴變計總依劉孤
館雙蓬鬢天涯一敝裘山城人事簡歲晚恐生愁

文下生言多一フ
二
將之開平堇浦先生詒詩見送卽依來韻奉酬

錢塘陸謙汝皆

歲晚悲生事天涯一葉舟飢寒傍門戶賓客豈應劉
整日欹烏帽何方老菟裘孤城山萬疊臨眺轉添愁

南園

今爲大忠祠

五子風流歆南園跡尚存靈風吹藥樹冷月照吟魂下
馬空憑弔班荆費討論荒祠尋衲子畏客早關門

大佛寺尋應四

際泰

不值

古樹亂鴉飛長廊客到稀昏黃戀攜手之子竟忘歸病
葉落無數飄飄亦點衣旅愁無藉在容易別禪扉

順治丁酉十一月鄭成功攻澄海之鷗汀堡鄰邨
入堡避賊者七萬餘堡破同日受屠有僧瘞之於
隴子之原題其碣曰同歸域門人章純儒丁卯冬
曾經其地感賦一律予爲和之

聞道鷗汀戰火紅萬人同日殉賊洪遊魂假息 王風
外害氣禁消佛力中日落飢鳶翻白骨雨深冤鬼哭青
楓書生也植如竿髮殺賊思彎兩石弓

送麥

參常

計偕兼簡劉

塘

謝溶生

兩翰編

皇王開景運歷數苞貞符堯章煥百代益贊臯陳謨光
氣動星嶽文敎彰覃敷 臨軒策使節冠蓋紛郊衢西

北貢璆琳東方貢珣玕一一供采掇英怪銜五都南海
宅場谷磊砢多明珠端緒遠有紹趙楊爲前驅文獻迄
清獻正學絕險膚下逮陳湛黃亦不專雕鏤餘波決澎
滂元氣資撐扶大雅雖已遠斯道仍不孤觥觥兩翰林
玉佩交相紆所學有本原責實不貴諛搜林出美材葳
塗闢荒蕪吾黨之小子前于後唱喁潔躬擬圭鷺清響
諧笙竽葆素伏衡華破蟄咸昭蘇麥生尤峻挺穿穴皆
經腴語必破溟滓氣欲吞於菟堅如金出鑛皎若冰在
壺巧鑿混沌竅力挽造化樞所往輒的破銳過金僕鐔
寒齋歲月駛默傷年運徂二公天人姿與我豈異趨但

見針芥合非有酸鹹殊觀其所甲乙索駿如按圖龍文
炳南天八九皆吾徒遂令鄉塾師謬有知言呼生今別
我去水涸方戒塗山川日緜邈輒向老馬諷念我苦局
趣何由致區區行已有正軌立志焉可誣稽古時雍治
有都亦有吁豈謂草刺臣可少精誠孚浩氣塞天地忠
義久不渝遠嘉乃祖勳臨危能忘軀巍峩信史筆千載
光海隅欣汝紹明德期爲君子儒射策明光殿

重華廻清臚置之

黼座旁峨冠講唐虞從容布霖雨

四海皆霑濡老夫困章句謾譁多濶迂因風語二公規
我母聶嘯

寄懷陳太僕

兆崙

海宇論風氣，雄豪待爾開。卅年人代速，五字嶺邊來。晚節猶耽酒，心期只愛才。江天愁客思，悵遠一徘徊。

北郭雙山寺題壁

雙山在何處，睇眄屢回頭。不知烟翠重，已踏雙山影。雲移佛屋陰，蘚蝕華鐘冷。寂歷不逢僧，斜陽下西嶺。

用王書門少叅韻寄題瓊州泃酌亭三首

雙泉見何時，欲酌豈辭泃。風爐竹裏煎，我有一囊茗。頻澆酒吻渴，竹榻夢初醒。傳聞此邦人，夕汲續脩綆。冷照佛髻青，甘味仙醴永。謾風吹瓢高嶺隔，秋迴長懷玉。

局翁幽意默自領

金粟非雙泉雄辨費斟酌

少叅有詩序三篇辨雙泉甚晰

舊泉良復佳

新泉亦不惡取求戒暴殄豫恐水源涸一泓千載傳物貴得所託

失脚墮荒服萬里一草亭靜玩小龍子養性潛清冷異

流本同源穴出不可并爲濺爲瀾洑孰爲釋水名

爾雅

見一否爲濺井一有水一無水爲瀾洑

美哉風俗厚鑿飲懷先型

倚裘五侍郎

日脩

一紀六遷芸局秩五年三看浙西山仙班羨爾承恩
重野處愁予作計艱拾橡歸來餘馬磨把竿遠去少漁

灣蓬廬到日知應訪誰共攀林踟閣還

作詩爲家司馬

嵩安

起病用周明府

儒

送菊韻

閉閣經旬靜葆真龍蛇起蟄虵求伸閒拈秃管心先癢
澹對寒梅眼倍新坐上敬辭秤藥友室中笑謝散花人
小除日近糟牀透好割黃羊祭竈神

題李

師稷

風木圖并哀尊甫在亭徵士

空山闕窮陰悲風吹白日辭條病葉零萬樹齊一律陰
蟲啼向秋倦鳥歸漸畢骨立一麻衣括髮久不櫛側身
大野平蒼茫鮮儔匹睽彼長眠人哀哀身所出幽篁枕
寒泉慘照一燈漆至理邈難出哀萌久彌苗噉然攀枯

枝淚下不可窒

驚聞金祠部

焜

函問詩以代哭并寄慰尊甫觀察

二首

隔歲佳期失崇朝惡耗新一官猶踳躅萬念總艱辛東
觀才何忝西河痛莫伸頻將孤客淚沾灑向青春

生死同歸盡難禁宿艸悲每從山枕夕迴憶酒壚期並
馬橫街晚歸帆潞水遲

余癸丑下第
同祠部南歸

想魂何處是愁絕

歲寒時

過浮邱寺飯力公房

散日尋村寺看雲過已公蟄龍癡喚雨大樹曉吟風遂

有香菰飯歡先綠髮翁夕廊堪鼓腹嘶騎莫匆匆

汎舟至遊魚洲訪羅秀才精舍同過海幢寺尋本
無上人

緩憂涉冬江弭棹遊魚洲層波覆綠蔭榕樹大蔽牛叢
祠賽嬋媛蕙帳濃烟收民居抱清江俯瞰城郭幽欣此
晴曦佳挈我烟水儔匪徒惜風景將以敦綢繆精蘆深
巷尾宛轉窮巖搜迷方信多誤良久獲所投

我友冰雪姿寂寥抱冬心亦有三黎生共鼓風中琴精
舍八九椽花藥羅堂襟健以六枳籬劣許藤蘿侵向南
拓水窗釣竹橫江灣突出捎雲枝濃綠招棲禽從容巾

襟契先後相窺臨齋鐘起隣梵命策同幽尋

幽尋到山寺邪徑緣江口參差春淨陰飛墮不容帚枯
僧折慢幢樹底一招手佛屋可滌煩禪喜詎嫌久茶聲
續寒吟晷影側踈牖循廊玩苔碑坐樹接林叟靈禽非
生客馴鹿亦舊友揮手辭香林濕翠猶在肘

撫琴圖爲僧

心湛作

七條弦上寫幽期知是聰師是穎師孤韻空山誰許和
澗聲流急雁聲遲

心空仍炷定香熏坐破遮寒舊衲裙欲與阿師商指法
翻愁容易落聲聞

歲暮雜題八首

深巷寥寥靜吠龍，半虧寒月到文窗。梯空政有懷仙意，

忽漫飛來鶴一雙。

月夜喜梁曲江欽
嚴秀才翊屢過

老去紅蠶尚有絲，模山範水逞新奇。提鋤也學輜軒采，

到處畱題八景詩。

鄉人吳翁綬孫愛吟足跡所至
羊城香山封川皆有八景詩

老翁不事眉稜尊，胸中浩浩天機存。莫誤寫成寒乞相，

錯疑酒肉傍朱門。

語寫
真士

亭漾紅泥樹覆池，快逢狎客寫哀絲。坐中我是江南客，

切切淒淒更語誰。

流香亭贈
彈箏人

侵曉娟娟笑靨迎，長紅小白意輕盈。相看不厭枯髯白，

較似蛾眉更世情

贈月
季花

政是騎羊蠟鳳年
摳衣婀娜阿翁邊
野王家學荒臺在

問字先須究玉篇

爲顧錫旂
題課兒圖

經年不見張文潛
宛邱小集格更嚴
烟江柔櫓如雁過

欵靄直接茅堂檐

喜張挺自
德慶至

紙閣油窗曉日烘
疎梅寫影上屏風
更添活色西洋筆

遣送山茶一樹紅

曾生文烈送
山茶一株

哭趙永順

賢

青天看降玉棺來
入舍俄成鵬鳥災
三命可憐艱後福
一官容易誤清才
沉波夜掬慈顏淚
嶽樹秋搖楚些哀

回首轉思貧賤樂十年席帽共黃埃

寄謝陸三給事

秩

來索新詩兼遺高麗紙百番

生平說士甘勝肉耳戛清音首先領詞人脫手競投贈
往往瑤華滿箱箴江東陸弟得名早奪席驚看兩髦髡
胸中浩浩有活雲組織文章勝罽縠金閨掇出壓羣彥
以諫名官如橄欖敷陳利病言可施搏擊豪強氣尤敢
手中白簡無恩讐頭上峩冠見肝膽南臺職貴補袞闕
六載無書吾不憾秋朝遠寄海東紙百番光搖白齒蒼
我才愚少紙實多不律未操色先慘南中流轉有數詩
意在盡取供瀏覽嗟余今已捐故技漸從怪變造平澹

剗除槎牙薶綺旒譬若畫餅不可啖卷書忽忽送餘日
而子謂我猶鈇槩荒廬無朋夜夢短閱世既深易生感
子宦拙於鮎上竿吾道艱如水習坎文章小道竟何用
枉費精神博羹糝掖門努力備喉舌問夜何其街鼓統
明年我亦待江船春水抽帆下南瀨

東郭尋陳大令東臯遺業

路出東郊散策遙繡衣遺築問前朝勝從野老書中說
迹向昆明劫裏銷穿竹徑荒生燕麥過橋水縮散魚苗
無邊羈思寒烟滿容易斜陽上柳條

除夕用東坡歲暮三題韻

餽歲

敬舉最後觴可無一物佐紛紜操豚蹄豈必盡陽貨歷
此酬獻煩成我年歲大循例招酒人欣然捉甕臥排頭
話團圓少長已盈座日月歎不居轉若蟻行磨五十媿
無聞素殮豈非過有見宜盡規友道戒附和

別歲

刺促不得志深悔見道遲來日長苦短去日焉可追乘
化一歸盡抱恨終何涯炳燭爭末光力學已過時但滋
速朽漸豈有戰勝肥懷新人皆欣令節我獨悲脩名久
不立徒然役文辭卽看衰已甚枉說能起衰

守歲

域中有害馬腹中有睡蛇迫促一世間俗嗜紛局遮寸
陰不知競寂守將如何夔然萬感寂未覺兩耳譁寒戀
紙盆火靜數街鼓撾起看隔歲星參橫昴亦斜不嗟今
落托所悔前蹉跎胸無治安策何者堪矜誇

過黎家學圃作

射鴨堂因溪路築祝牛宮與草坡連風生桑柘陰邊地
潮沒茨菇種後田兩月久虛看竹與幾生修得種蔬緣
郊扉忽憶東臯近五畝荒園晚計便

同年鶴侍郎年新命撫粵別踰一紀相見有期

率此奉簡

爲憶鳳皇池上客，翱翔長在五雲間。
持籌歲漕關中粟，握節教看嶺外山。
荒服蒼黎心久繫，故人苛禮分應刪。
年來除目無心問，吾極因君一啓顏。

謝班制府以

御賜鹿肉乾見貽

上相籌邊

帝念鍾遠頌乾肺，識黃封金盤捧出松脂透。
翠釜烹來雪乳濃，數獲轉思陪羽獵。分甘不擬及衰慵，十年倬直會叨。

賜回首修門涕泗重

東山

東山一簣耳蜿蜒到溪仆偃蹇無怪石披拂少嘉樹未
能適游觀焉得出雲霧公然負大名攀附謝太傅始知
名實間稱說信多誤衰翁艱登頓差喜免窘步清風盪
情懷荒野入指顧落日寺飄鐘牛羊認歸路

永泰寺

寂歷詩翁路荒寒野寺情繞溪苔屐緩選樹石牀橫晚
碓收雲色虛堂飽竹聲此來無一事徒倚看春畊

陳廷棟

招集海輻寺

小寺藏山腹山人屐未經谿聲流梵唄竹色借圍屏妙
悟花先笑清吟鳥乍聽殷勤酬一飯終日坐莎亭

送沈

璠

自日本還吳門

長崎歸後意無聊更駕鼉鼉海上橋萬里壯心勞想像
五湖生計轉蕭條驚看筆底波瀾集難得胸中塊壘消
風雨仙城快攜手爲君堅坐話春朝

題應四酒懷詩思圖

應兄愛吟兼嗜酒酒量詩才皆八斗典酣捉月竟上天
酒星一旗搖曳久孀娥勸客倒千觴捧出雲藍索瓊玖
頑仙一字總不識問著之乎但張口應兄捧腹顧之笑

立進新詞三百首模糊雲篆不可辨但見書形似蝌蚪
歸來十日不得醒醉墨淋漓尙歷肘綠章草奏乞天公
奢願嗟看古無偶狂思青草挂詩瓢渴想洞庭爲酒缶
兩湖氣象長百川沐浴雙丸籠萬有大波滯海欲浸天
小波擊撞能簸阜軒軒誰勅此公來胸次居然吞八九
聖賢不信皆蕩魄造物緣知本芻狗左方浮白右揮毫
一日何曾閒兩手吾生恠憊不得意酒盞生疎詩格醜
吳頭楚尾跡未經對子豪情面先忸幾時一舟夾兩蛟
爛醉狂歌寅盡酉神鴉未散天雞號密意還期杜陵叟

雨中同李

卓揆李師稷作

一雨飛何急紛紛到小齋
政思裁白袷忽地阻青鞵
苦竹添涼色清音入好懷
欣然偕二妙不用酒如淮

半帆亭池上

隔巷招吟朋初地展遊屐
水軒不逢人風幔捲向夕
危巖青嶰嶰秀朶吐媿媿兀
然立我前能使望眼隔披披
荷葉香新水更活碧有時萍
吹開照見僧影瘠幽尋興
久拚梵放性所適坐斷斜陽
鐘歸禽忽催客

同作

香山

李卓揆

意行來精廬窈窕徑屢轉
筠廊晝長陰澗戶懶不鍵
檐花秀而野峰石醜且狠
度水午鐘圓接葉蟬聲遠

言尋文字緣方外得無本巾瓶見幽意茶瓜致清欸
列坐池上亭細數魚纂纂微風一以過妙語闖巖壺
次韻查三司馬龍溪興復黃文節公廢祠詩

高天有意插翠屏兩峰寫出宜州青玉龍掉尾繞西郭
至今溪水流清泠瓣香夙奉黃山谷溪上傳聞結祠屋
祠屋荒涼五百年令我瞠乎蒿遠目此邦攝守心相知
垂腰黃綬官不枝秋風入廟拜粟主落日下馬剜苔碑
愛其人者鳥猶愛况復黃公足千載雲榭碧甃雖漏穿
靈爽於今定長在潭潭畫壁蝸篆侵庭前野蒿長一尋
蹲檐怪鴟嘯山鬼冥冥那得開吟襟挑鐙細讀東都史

坡公既往誰其似直節難磨元祐碑詩才妙得飯顛旨
黨牛怨李處一朝正士喑伏羣小囂帝念荒服少光怪
特借魁宿輝璿杓單車刺促入蠻府螻蛄秋賡獨吟苦
從遊學子進如牆似爲南樓補環堵墨池演漾不可方
流公遺澤如溪長臨溪葺宇得吾友州民世祀毋徊徨
神乎歸來飄以忽老魚醉飽擲波沒弦詩試學摩圍句
風播清音上林樾

謁龍溪宋黃文節公廢祠

宛平

查

禮

魯存

南山北山峙翠屏日峰月峰相縈青宜州城西土閒
曠龍溪水色青泠泠溪上有祠祀山谷牆傾榱折無

完屋我來駐馬薦溪毛滿地蒼涼慘心目酌公一爵
公應知哀哀杜宇號春枝紫苔碧蘚癯斷礎枯榛亂
篠欹殘碑刺史張公溯遺愛輸錢建祠志乘載創始
規模無復存千年剩有荒基在祭田零落豪家侵壘
池蕪沒猶堪尋里人咨嗟話顛末未竟已覺泣盈襟
憶昔公爲元祐史直書辯諍誰其似佞史之稱乃妄
加左丞默順荆公旨羣小糾紛紹聖朝追仇元祐恣
狃囂詔拘畿縣枉劾罪黨籍芳名炳斗杓遷謫天南
到蠻府黃茅瘴重炎蒸苦公獨安居意泰然南樓講
學觀如堵及今文教傳遐方駸駸士子景慕長摠衣

瞻拜叢祠下欲去未去還徬徨天風薄暮吹飄忽飢
麗窳空歸鳥沒寂寞神絃久不聞沉沉暝色昏林樾

訶子林聽圓德上人彈琴

涼葢絮雨喚客醒卷荷淨洗無俗聽衝泥竹轡愛輕穩
一鳥前導梳脩翎虞翻舊苑法雲滿繚入仄徑禪扉扁
阿師妙手具三昧與琴合德涵清寧訶子樹大矜古色
照見瘦骨如銅青欣然爲我橫膝上小試指法訓瓏玲
新霜秋失孤鶴警碧海曉濯蒼龍腥冰花迸落鳩鵲瓦
淨水翻瀉琉璃瓶千方萬譬無定質世諦但共箏琶聆
我聞大樹有王子對佛彈弄清泠泠聲聞證果落思議

鈎撥入妙勞心銘請以禪悅悟琴事要在擺脫無拘囹
調言未竟山果落坐客默情冰絃停天風殿角恣磨颯
四梵并入斜陽鈴

六榕寺送李

卓撥

還香山何

夢瑤

赴端州

斜陽古寺送歸人縛帚先驅坐具塵濠鏡望空前夜月
星崖根觸客年春聞鐘施食青精飯對佛題詩白甌巾
鴻爪雲泥君莫問本來同住一巾旬

寄和任太守

應烈

移居快閣四首

一紙書飛嶺外鴻頃教羈旅感萍蓬沈思瘴海途真迥
臥看稽峰翠若空負郭少田嗟作客倚閭有母敢稱翁

式下生音集卷一
三
輸君萬壑千巖裏日日看花驟玉聽

似此歸田有幾乎較晴量雨計堪娛詩篇瘦似黃文節
裝橐多於陸大夫三殿校書流往迹兩河領郡頌來蘇
卽看甲子從頭換且喜新霜未點鬚

飛空榆莢滿階錢好與山靈買靜便綠酒黃花開里社
烏篷紅雨盪春船坐來亭角虛生籟望斷林端晚爨烟
喚取青猿擔竹杖西阡行藥復東阡

郊扉晚計美行窩快閣遺踪剩幾何環珮水清穿戶響
髻鬟峰好入樓多新開沙徑訓雛鶴故種畝香穩睡鷺
待到月明吹笛和秋風處處起菱歌

月夜有懷許四明府

逢辰

十日不得見相思并一秋
蒙龍青桂樹明月在西頭
酒向金波乞琴思玉軫抽
家山五千里知子共含愁

題翟進士灝無不宜齋詩後奉寄卽用其集中韻

自我居京時君年未三十
千金操奇羸能濟物緩急鞭
心向古賢汲汲恐不及跪榻
兩膝穿捫碣五指濕進士有太

學石鼓
補考

寒晨雞三號猶然一編執
餘事工雕鐫萬卷供

擿拾將回勢逾驕欲放機轉
澀驚淵怒決隄震響疾破
蟄技癢不待抵源深豈辭汲
想其鑄鑿初銳欲駕圓笠
分明一寸書不盡妙香裏誰
其懸千金一字較出入挑

鐙想清歡夜闌百蟲集夢君黑而頽兀然向我立

疊前韻奉酬李曲沃

卓撰

滿泉亭見懷

斯人舍我去計日恰三十白日隙駟馳奔輪何太急方
嗟溽暑徂倏忽秋又及淒風悴葉零散作一階濕望望
霏塵黃往袂何由執把君滿泉詩活脫不可拾卮言諒
當捐取徑在清澀涼秋人事減閉戶各幽蟄途窮憂日
莫綆短苦深汲茫茫大瀛海何處縱杖笠黯然涕滂沱
不覺襟袖裊吁嗟一隙光萬有爭出入窮鄉感羈孤端
念百憂集繁星耿天河披衣起長立

查氏來茹堂席上送諸葛

良輔

之蘇州

直北空憐十上書圖南又見願成虛雪泥踪跡渾難定
鷗鷺情懷只似初醉地有緣尊几杖寬鄉無計穩樵漁
荻花楓葉添秋思吟向吳江興尚餘

題倉觀察

德

行看子卽送其還京

倉公天際人浩氣塞真宰郎潛積勞勩諫院著風采手
開衡山雲綱紀肅察寀朋謀扇陰邪特立不爲浼毅然
發其奸直節見崑崙至今沅湘間沛澤流樂愷妖氛接
雙劍鋒刃費礪乃公時方領藩借箸氣百倍轉饒山谷
間疋馬摩賊壘軍中慶飽騰百萬立起屢嗚呼飛語中
何處定功罪囊頭貫三米失路分菹醢吾

皇今堯舜恩過大瀛海戴盆一望天湔洗振文彩仗節
控百蠻孤忠閱年載一官如傳郵三已終不悔惜哉槐
鼎姿不備清廟鼎維公方嚴性接物更爽塏鰥生託末
契臭味淡蘭茝從容整碁槩談笑灑珠琲春風恣跌蕩
盡日色無怠公畱我心降公去我心癖惜公不得住披
圖見公在青桐百尺披小草一庭滙著公邱壑中此意
孰津逮左無大白浮右少紫芝採補天空有石徒手欲
何待祇畱一寸丹報國頭易皤蒼茫送行舟長歌答
襖靄千秋視公顏真意應不改

中秋月蝕感賦

頑雲竟野失重輪何藥能醫奔去月人想見蚌胎空溢
淚不圖瓊戶易生塵開筵坐待將蘇魄對鏡誰憐痛定
身擬到廣寒相問訊一天風露轉淒神

答林上舍

元

冬至日見懷韻

少日孤庭訓清時媿致身普天鴻大造荒野託微臣買
舍收家累循陔奉老親暫辭堂北樹來作嶺南人夢逐
青山遠愁添白髮新膏騰虛度歲迢遞兩經春舊雨時
縈夢殊方默愴神未能遮逝水長恐負芳辰賦體輸潘
藻經言謝董醇悶憑輕策試閒借晚檐巡黃耳傳書捷
紅襟掠戶頻八行斑管寫五字矮箋陳喜扑狂遺帽悲

歌涕漬茵撫時旋致惜循翫劇堪珍寂寞增詩債從容
漾酒鱗笕泉恒自續齏臼整舍辛高唱能鳴豫蓬廬善
處屯吟邀先達賞性得古人真聲價雙金重文章五采
純方期雷破蟄豈效夔求信莫雨脩雞柵秋山整鹿巾
壺中懸日月戶外任風塵跌蕩前期在遊陪舊跡淪因
風輪繾綣知不笑酸呻

冬至日得堇浦二兄明春返棹消息因呈二十

四韻

海寧林元阮林

曾是歸田客依然負米身傳經真學者獻策舊詞臣
遠覓朱方祿歡承白髮親殊鄉勤子職薄海慕文人

柳贈經年速葭吹兩度新梅心先動臘雪意欲通春
縱釋萍蓬念應驚歲月神搏沙思夙會觸緒靳芳辰
好句聽鏘玉清言憶飲醇茲遊成爛漫轉約懼逡巡
閉戶虞愁迴披書貢喜頻切憇非泛愛意氣每交陳
采喝分臬雉花飛判厠茵非材難自棄要道固常珍
天漢無羈羽蹄窪有涸鱗得輿仍處剝食蓼且忘辛
生迫儒冠誤心安骨相屯齒牙君不惜懷抱我惟真
敢謂居貧樂寧違在約純寸鈞期一割尺獲冀全信
甫里餘經卷柴桑賸酒中庭荒張氏草甌染范家塵
自笑偏蕭槎何關效隱淪旣深昌嗜感聊用訴嘖呻

道古堂詩集卷十九

道古堂詩集卷二十

仁和 杭世駿 大宗撰

嶺南集

五

送潘

憲勳

之餘杭

大滌洞天清且遠操舟須泝餘杭堰沿堤老樹壓船篷
冬月恒愁溪路蹇潘郎去訪神明宰怡悵送君自厓反
君方遠適我未歸循例責詩知不免章江直上水驛多
十八灘高費推挽臥看山態過鄱陽吟答江喧到昏晚
木搖空響夢易驚雁叫荒羣意獨懇白魚價賤不論餐
烏豉鹽多堪伴飯竹枝壓折雪片麤羨爾聾人睡安穩

大風竟夕憶吳 亨端江舟次

莫色雙臺成烟江七尺篷海童愁截路颺母洶呼風濁
浪千重沸遙山四面空孤眠憶吾友搖蕩此宵中

大沙村古蹟三首

何相公廟

村隸南海公名卓有神勇明黃齋養之亂沿河焚劫次大沙公率健者邀

擊賊矢蝟集公搏矢反射皆應弦倒賊偵知公好畜懸哨鴿偽遁去使善射匿叢薄中鳴鏑擬

哨公方傾聽遂中鏃墮河死屍逆流上下香氣遠聞村人收瘞之廟祀焉

封豨突至驚颺颺一角孤村恣騰踏長戈臥水伏商船
飛矢穿空及佛塔河壩吹沸漲塵黃狂燄燒天肆毒爓
大沙猛士髮如竿濶步援矛少艘舫賊徒沓至紛蝟毛

電鏃交投不可答力圖義從戰寒雲技過甘蠅口能噓
彎弓解作餓鴟鳴射倒前徒似山塌輿尸僞遁伏戎興
輕狡公然計周帀寃乎公愛懸哨鴿叢薄潛蹲雜吠蛤
輕禽決起不回頭直上排雲闖闖誘公傾聽雙荷納
一矢加遺中頤領精誠入水不肯流香氣周身自吹欬
鬚髯蝟磔目仍開震野環觀淚嗚嗒井擲徐商馬鬣封
豐祠更用松毛蓋繹繹村氓走壺榼絮禱私祈恕噉嗜
神巫揜袖搨花腔妖嫖低腰顛翠鬣除疵豐穀祐我民
報賽知更幾腰臘陰風颯爽捲靈旗恍惚臨危波沸潛
曉鴉飛去廟門開畫帳輕烟篆艾蒨

金環田

明永樂間村人何百川浚宅前塘掘得海船舵樓中有銅鶴二銅鈺一金環一

寫環得錢數百緡買田供祭名金環田銅鶴遭亂失去鈺尚存銅色斑駁蓋數千年物也

阿誰範鶴飛飄飄霜毛洗淨無俗斑長埋地下幾年載
吭常雙引眠非鯨神鈺無繩初口挂碧血冷漬牛蹄殷
懸椎一尺棗木削軍麾萬里愁花蠻清音瘦骨兩難致
得一已足怡心顏豈知前哲用意別紫磨鑄出縮臂環
春葱坐想十指嫩碧月希見雙眉彎迂儒未讀王度記
閩礬瑣事疑從刪銀環進御金環退寵尚魚貫嚴防閑
見曲禮疏吁嗟小物關陰教俗艷祇共柔荑拔何耶卜宅介
沙渼葑須久塞舍風灣野塘圻泮恣撈捩石礪活碧分

漩潭柁樓一角闖然出夫豈市舶婆蘭還中涵三物發
光怪遠近聚看喧江關發聲靜愛銅質脆矯翼轉惜仙
禽屏茅齋畱以伴幽獨清賞亦足蘇沈瘳金環入手不
忍割輕重那復稽銖鍤猛思二廟缺魚菽涕泗交午流
潛潛塘西稻田界十字東西溝水穿淙潺以彼易此永
禋祀穀我孫子無後艱香歛義不媚姚冶荒墜力可除
榛菅被之僮僮潔蘋藻耀首豈在搖花鬢至今若敖鬼
不餒厚澤乃自河神頌蒼鵝山地銅鶴去感君至孝羞
鷄鷓滄桑有時遞變易此田終古甯人寰幾時買舟發
鉦響反覆摩翫休余慳

雙榕社

社劉區二姓所祀夾植雙榕隱花十畝

構自是益密有紅蘭寄生幹上採花療病輒愈

區劉兩姓雄南邦粉榆社古風俗麗牲牢賽祀單出里
鼓者爲伐金者擬憑依各植所宜木綠榕高峙剛成雙
橫枝突壓百間屋老榦對縛三板艘塘撐宿霧護油幕
穿漏華月搖疎窗披襟劇喜遠堀堞放眼劣可遮嵯峴
輪囷相向閱年代誰真譎智誰愚惹匠石幸不目楞櫟
空腹孰敢譏降肛崢嶸枝格各相抗氣骨偃蹇知難降
天公作意弄狡獪豐隆屏翳交牽扛東鄰西舍攪安睡
雙榕低首神魂懔友風子雨互揖讓如送襟抱連衣襟

涼颺搜激發異響韻叶韶濩鏗壘控兩家閭閱世滋大
闕然勝事傳珠江朱陳嫁娶不外索佳兒玉雪聯羣媿
女蘿兔絲浪稱說合歡連理紛嚙嚙紅蘭葳蕤有媚葉
宜男佳兆徵春苙寄生於此或有意豈爲老樹填空腔
何人小試活人手痿痺得藉成路躩孤生自笑少根蒂
逝將濶遠觀奔瀧借汝高樹坐終日童童偃蓋支青幢
走覓南鄰賣藥叟

謂何監州

攀條弄葉飛千瓔

雙桂洞觀佛舍利

蔚藍天色如玻瓈閭浮樹大陰不移牽朋闖入布金地
放梵未到昏鐘時洞名雙桂無一桂但有古佛兀坐嘖

脩眉珠幡不動畫廊暗蜂房曲盤難端倪入後一室最

清邃莎鐙朗照無人司眼中銅匱高一尺龕童野象蹲

躑踞僧言我佛初滅度千華復現千牟尼見華嚴經勾鎖骨

解舍利湧菩薩處胎經世尊于胎中現勾鎖骨遙遙飛墮珠江湄露繁蕉

葉闕供養人天倪回首紛齋咨阿誰鑄此無縫塔金輪烟

蓋交扶持殷勤爲我啟玉笈齋心淨洗秋泉池楞嚴經眼如葡萄

葡萄或云眼如秋泉池法雲繞指四三數七粒具有七俱胝非華

試注水精盃瑞光迸落舍風漪假如以物入水恣撓攪

寶燄睽睽倏忽仍相隨細如半黍圓如璣火不能灼椎

不縻更歷萬劫終古無成虧環觀驚歎發猛省各各淚

綆雙持頤此身渺爾兼法報慧珠在握誰能知撮囊視

肉枉見誚癡膜戾滓包裹成穢尸

癡膜戾滓見酉陽雜俎穢尸用慧遠語出

續高僧傳澄心已空世界海何以仰蒼金容慈膜拜右繞作

呗讚七聲昇降揚瞿師

翻譯名義集梵云瞿師此云美音

普爲大千堅

敬信苟非梵王天眼母許輕窺視

九日登越王臺

憑仗吟筇岸角巾水風先日掃輕塵開襟愛坐玲瓏樹
登閣偏攜骭髒人鴻雁欲歸青草變江山如舊白頭新
斜陽忽閃金鴉背幻出雲霞照眼頻

秦餘霸氣久銷磨懷古頻教喚奈何粉堞四圍開畫冊

巖梯千折走盤螺，雲橫大野層霄迴。
風入寒空積霧多，閒到上清尋羽客。
悠然仙唱雜樵歌。

題馬都統

瑞圖

坡山八景圖

坡翁仙去山仍在，妙景憑君畫出難。
茂樹日高猶弄影，碧池風起自生瀾。
幽禽喚客花侵坐，詩將吟秋月浸壇。
鄰並久輸懷聖塔，隔牆時得點頭看。

坡山虎落外
卽懷聖寺

楊制府

應珩

屢爲羅浮之遊，勸駕因循不果。用東

坡白水山佛跡巖韻奉呈

年衰百事慵，枯坐養腰股。幸期免顛頓，豈望生毛羽。
名山不到眼，好句那得吐。境如抹電過，驚悔後莫補。繩懷

朱明洞蒼石滴成乳練形足砂牀餐秀需藥斧可憐七
尺軀未踏兩山土昔游數我公稱說輒眉舞健句截寒
鐵清絕誰繼武沈思強屬和母乃類駢拇勝踐無俗朋
涼秋有微雨距躍已三百作氣思一鼓支筇度鐵橋騎
羊叩仙府導路仗靈雀巡山逢啞虎羣真或見招精魅
敢余侮以此欲往心匹若鏃辭弩奈何俗械纏微旨今
乃睹把公一卷詩隨宜且領取公來我未往風雅久無
主山靈解笑人吾其老農圃

葉明府

世度

自陽春惠寄糖霜

藤笈初開眼旋花欺鹽賽雪傲銀沙路殊蜀客迢遙寄

譜待王郎仔細誇病榻細抄長養胃癡兒間索不膠牙
憑君諳徹中邊味好壓輕裝過嶺嵯

舟往花田阻風中返

爲尋花藥迷離去美滿高帆未肯收
邀路江斐吹水立踏波龍女弄珠遊
荒村路澀將成雨綠樹枝高易入秋
凝望仙源空咫尺篷窗清伴野雲愁

泛舟荔支灣同劉學使

星焯

作

昌華古苑歎銷沉喚艇珠江宛轉尋
碧浪捲沙成小港高林帶雨結層陰
降王宴罷飛光速獨客秋來弔古深
日落悲歌引漁唱蒼崖驚起叫霜禽

諸生飲餞講堂卽席奉酬四首

旁搜遠紹說迂繁古誼時時勗共敦八代起衰須巨手
諸儒鳴道有微言窺天管小難論豹運海風高必化鯤
慚媿河汾傳絕學程仇董薛在吾門

詩翁何

夢瑤

李卓

撰

快相招積歲羈愁散此宵綵筆崢

嶸干氣象賢人聚會應星杓廊腰畫鼓紅蕉映竹裏銅
槃紫燕燒雅奏政須公等繼豈無清響叶簫韶

華月圓團鏡面指秋堂何地著塵霾承筐諏日陳三雅
治事先期集兩齋儘許高歌動霄漢不妨尚論到盤媧
朱門酒肉由來臭那得清華似此佳

佳時處處記題襟劇喜天涯有素心
偉饒十旬逢五度
聯吟一字挾千金

以詩籠行者凡二百篇

青衿錦帶儒風懋綠酒

黃花別緒深莫怪先生歸去速
秋來華髮已盈簪

諸生方舟並濟追送河南者凡數百人

李穡黃德

中楊榮林可棟陳敬修買舟至佛山揖別

江頭送客雨紛紛五子聯舟意獨勤
將別心知常眷眷
不言意豈欲云云禪山北去無高柳
珠水東迴有莫雲
一種荒涼誰遣得老夫惜飲也微醺

舟至紫洞羅

鼎臣

李

煥世

林

組

李

嘉樹

李

德桓

先在焉復出雞豚相餉

禪山握別黯傷神紫洞追從更有人禮尚雞豚無可卻
情如鷗鷺日相親江天坐對諸公朗涕淚重揮一番新
聞道龔生遠相待前行且勿歎途貧聞何監州龔生天
牧停舟三水追送
矣
二月

清遠舟中望對山野燒

赤龍破陣膽氣豪金鎖狂掣誰能操銜銜上天飛更墮
蝻蠪屈走蟠螂螻蜚廉助虐噓毒歆決計欲盡山中毛
荒厓榛蕨已淨埽深穴蟲蟻將安逃須臾金餅閃峰背
冉冉推上扶搖高圓珠挂空恣擺磨勾惹鱗爪伸爬搔
高天厚地兩狡獪炎光娥影交相磨阿房烈炬眼未覩

陸渾澀體牙頻聱百蟲將軍忍坐視焦爛神鬼紛譁號
嗟此荼蓼非難憐汝何蚩蚩不憚勞摩牙礮礮吐赤舌
瘦骨豈足當饒饗一冬枉爲嬾農役八蜡不得霑牲醪
江船無燈短篷黑不顧獨客心煩切風迴柁轉立翠壁
望而不見目屢蒿手中有酒不能喫汪然溢淚徒沾袍

中宿峽

江流無直波造化妙融結凝此秋一灣知幾翠屏折叢
蘆窈然青危石蠢爾凸豈愁頑蛟蹲到寺漸奔泄羣峰
密構接高蹠忽踏裂虹梁軼天半壘石補空缺千夫挽
長菱衰過啼猿切迢迢孤篷眠況有萬里別

大廟峽

亭午泊中宿已信江路陘斜陽弄曛黃迤入大廟峽澗
潯幾派衝巖嶨兩峰夾橫厓窺客舟仰首黑雲壓頗疑
蛟龍宮石柱顛倒插怪石巧遮攔層遞儼置闌緣坡被
菅茅過嶺叫鶻頰冬江風景殊喜值我來恰舟師仄足
行背纜貼山脇捷如倒飲猿肩臂自相接須臾下平岡
出險才一霎平生慕飛仙焉得終日挾

滇陽峽

滇水從西來苦被山勢縛兩厓峙蒼深巨石亘綿絡猛
力不得騁出坎仍踳躍縱橫漫晴沙漸復展肩膊坡陀

排劍鋒十步九岬嶸豈煩靈胡劈頗費鬼斧削川涂信
知艱妙景本不惡盤渦篙力微轉瞬幾錯愕驚波濺篷
窗因險轉得樂憊魂久始寧且就沙際泊

夜泊望夫岡

江空霧隱四傍徨銜尾商艫似雁行近夜潮生英德縣
初三月上望夫岡重衾幽思連天遠隻堠寒更爲客長
銀燭戰風蟲絮葉可憐無夢寄蕭娘

觀音巖

山根豁開誰所開一綫上可通崔嵬盤蝸邪行負殼立
脩蛇倒蛻穿空來闍黎好事斲澀磴架屋危厓俯圓鏡

妙蓮花湧踏層波月寫金容恨孤映雲山遮迥幾重青
峭壁爲門不用扃檻外縈殘香篆影巖中流出木魚聲
清風畱客開蘿幌他日重游吾或儻不逢溪叟釣寒雲
頻見村姬搖急漿兩厓相望整愁新何物長途結淨因
思寒雪色芬陀利繡上天衣自少塵

彈子磯

數峰臥未起一峰蹶然興團團斂珠規澗澗經玉繩遂
令一卷石乃得彈子稱堅刃削積鐵壁立不可升刻畫
出衆皴細路生榛芳壓江始訝黑窺艦俄愁崩輕猱不
敢踏何況摩霄鷹晨檝凌浩渺萬象資憑陵擡頭憚險

艱履薄增凌兢臥思飛仙才興至何難登袖中蚪蚪字
挈攫工鐫謄諦觀仍蕩蕩大笑同蒼蠅

大坑口將入韶州界

灘聲喧枕客心懍驀地長林帶石瀧似聽兩峰相對語
借些森翠過船窗

韶州郭外

近郭晴嵐捩眼新縱觀聊復寫天真插江石腳搜成浪
過岸長松立似人愁裏光陰占塔影吟邊生計託船脣
朝餐已覺駝裘重不枉初冬號小春

登曲江風度樓懷張文獻公

張公風度見無由梓里懷思尙此樓過客登臨當落日
晴山風氣接深秋高城木禿炊烟出古縣江空閣影浮
幾點亂鴉啼不歇似聞遺恨失黃虬

韶石

治定作樂肇自黃羲簫韶九成繼堯咸池浮磬未貢玉
環不來叶所擊拊者世儒莫知函胡之音僻在南陲亦
良其趾逸而扈而天雞夜應風水汨之帝南巡狩稅駕
屣屣象緯周圍乾坤恢夷張樂廣野鼓萬物機簾業崇
牙翠眊金支彈五絃琴歌南風詩方嶽畢朝環聽忘疲
神人胥悅鳳皇來儀此石發響韻流山坻蒼梧一去三

妃未隨此石暗伏擯落荒碕閱四千載

至人乘離有蟻虱臣輕舸暫維流眄崇阿神游帝期欲
補韶箭而忘其辭松陰偃蓋蘿條胷衣迢迢古歡悠悠
我思滄波曷極白雲自飛

早發芙蓉驛

喚艇芙蓉驛畔行蠻鄉風景怯孤征迴廳戰葉頻添響
怪石蹲江不記名斲草牛訛仍領犢象人楓老欲成精
喧灘到處驚飛雨多謝天公放老晴

鶴鷹石

在始興

鶴鷹石汝在荒厓何所獲魚蝦瑣細不足吞烏雀啁啾

去難迹既不能入草搏剛蟲又不肯登天展健翮終朝
踰伏水一涯老死徒爲行道惜我欲挾汝旋可憐赤手
無繚錠我欲偕汝住蕩蕩童山少高樹篋中味噉方法
微登臺呼汝摩霄飛轉愁雙眼未曾化飽卽颺去飢仍
依吁嗟乎鷓鷹鷓鷹何足責金門豈少凌雲客曩時意
氣今摧頽空向人前語疇昔君不見鷓鷹石

始興江口茅屋數家風景清絕

板橋西去岸沙分絕愛茅簷對夕曛一角妙峰盤翠髻
兩隄青草學羅裙窺顏影亂能言鴨浣手波開似絮雲
欲乞袈裟趺坐處不知何計脫人羣

江行雜詩十六首

違養時縈抱離家那判年歸程約飛鳥鄉信問來船遠
夢淹禪窟高歌缺酒錢峰峰送蒼翠顧盼似相憐
曉起循沙背携蒲石子斑攀厓得香草酌澗見衰顏清
詠無人會荒塗盡日間一帆懸更落知歷幾重灣
疊嶂連雲迴扁舟上瀨遲閒眠看野馬晚飯得江鱖落
日飛禽少荒墩過客疑茅深聞有虎俯仰歎孤羈
連日江湖逆輕帆未許抽舟如舞風燕人比狎波鷗漫
羨車生耳翻嫌屋打頭寒宵清夢穩拳莽宿中洲
野卉紛無次秋田自有香殘雲棲鳥道急溜入魚牀苦

憶元真子難逢白石郎塵纓方待濯何處不滄浪
節至霜威凜懸厓綠尙稠輕帆與孤雁流轉入雒州淺
溜翻銀礫高天挂玉鉤畏風兼畏水不敢坐船頭
小市齋鹽集江名識始興隔林聞犬吠遠岸見漁燈縣
郭雙流合藩封六代仍莫愁沙路澀喚艇渡頭磨

雲外曾無寺風前何處鐘沙明鷗晒翅月曉虎畱蹤老
父時牽犢山農祇種松忽然添畫筆茅屋在高峰

綠厓認溪路有意入空嵌飲澗猿分絳搶風鶴避帆亂
流孤嶼漱斜照碧山銜一紙仙人篆誰能石壁劖

江流原渺瀰冬景更澄鮮柂子晴喧渡蘆人晚刷烟買

田秋阪峻泛宅石淙偏卽此安耕鑿何須羨葛天
人言溪潦縮歲晚怯經過松粒青于稊魚舠狹似梭層
厓絕猿狖大谷隱曦娥卽事堪成嘅流觀發浩歌

望眼遮青嶂愁心疊紫瀾不因山水歷誰卹道途難臥
處希宗炳圖成想范寬霜風先過嶺始信芻袍寒

人從閒處瘦灘比昔來高覩景知年盡因衰想境勞無
仙遺丸藥有客戀緜袍明月看看滿何心折大刀

荒村空甲子高嶂泄寒風色養尊慈竹閑情看旅鴻歲
除冰雪外人老寂寥中望望紅梅驛初冬想更紅

夙抱棲真志中嬰世網鞿孤篷渺天末幾日換寒衣路

愛澄溪轉行逢落葉飛把竿吾分足何處買漁磯
快解青絲竿同乘白板艦一身嗟寓跡兩月算浮家
起波喧枕晨炊飯雜沙平生鄙溫飽今日在天涯

男寬仁 深源

水縮灘灘急江程一倍賒山荒頻野燒戍古但悲笳
喚雁同爲客租船不當家懷人今夜月清夢落天涯
庚嶺雲封詩

一角誰移海外蹤飛來仍挂最高峰雲頭試向山僧問
鳥下白雲封幾重

重過蒙川館題壁

凝望蒙川妙景仍莎橋初跨攝衣登松毛夜落添樵擔
山溜晴枯出礪稜獨客自尋黃葉徑三年又遇白雲僧
憑闌指點江流去絕愛紅亭最上層

南康口號

水換青螺染山仍翠黛長畫眉江上女人說是南康
帶褶風吹皺羅衣水染青年年江上住不上望江亭

贛關喜晤徐觀察

五

唐制封軺重觀察漢家權使貴和衡一官特借南州範
萬里重申北道情浪跡稔知生客少空囊莫笑去帆輕
多君吏散吟情健絕似雙流繞郭清

鬱孤臺

丹楓匝岸雙江麗峻嶺環川萬戶開汗漫偶爲乘躡客
蒼涼獨上鬱孤臺層樓飛鳥縈烟度大壑驚濤輾石來
漠漠天風滿歸路旋螺門巷半蒿萊

永豐舟次

嘉暄涉冬江萬象入清澀羣峰漸逶迤陟降才幾級拱
讓勢趨北宛宛露衣褶仄岸沙渾寬飲斃健蹄集白鳥
翻翻飛忽向渡頭立靜翫造化機動靜各有執奈何貪
涉心競此旅程急輕舸犯素漚風起沸滌漉庫篷關安
眠蹉跎日養蠶烟中鷺埃長曛黑始相及

峽江

江流兩厓間氣候如初春石骨吐蒼秀細畫牛毛皺遠
出樵徑微歸盡行歌薪埤塊介山立俯見江上人就郭
賞村釀解網烹鮮鱗坐驗舟子樂彌惜行旅辛滕囊雜
雞犬各寄萬里身理楫復前路躑躅啼天民

百花洲次錢少司寇

陳萃

石刻韻二首

瀾漫野水四無塘一片寒陰接女牆鷗渚蒹荒天影倒
魚牀疊動水花香題襟句在青珉刻持節人歸夜壑藏
橋外虛亭亭外客斜陽獨立轉蒼涼

時馮給事秉仁以
侍御副司寇典試

今給事下
世六年矣

紅葉青苔滿目斑，問來何事祇偷閒。
岸容清遠真難畫，柳意婆娑尙可攀。
花鴨戲苗收倦翼，孤僧留客照塵顏。
高城霧散挑鬟立，已露巖頭一巖山。

貴溪

貴溪地勢雄，高屋壓樓櫓。
隔岸峙平山，向晚畫眉嫵。
勞估客帆瑟瑟寒，溪雨泚筆對風燈。
記我停舟處。

弋陽雨夜

苦雨連宵滴，隨人到弋陽。
冷牽吳夢短，清入楚天長。
淒急喧篷背，纏綿帶酒腸。
江湖愁雁侶，霑溼不成行。

長至前一日夜泊黃家漾夢維揚馬三

日瑄

以石

刻新詩見示了了上口覺記和東坡雪浪石一題
作詩記之並寄韓江吟社諸游好

馬生冰雪仙人姿乾坤清氣連心脾邦溝別去苦相憶
長途好夢能相隨青猿擘紙長一丈云和雪浪東坡詩
句竒字古頗難讀但見拏搜盤蛟螭其餘更有三十幅
幅幅皆是珣玕琪手中紺珠偶失弄十且八九亡其辭
沈思文字有結習畫有所爲夜夢之荆揚相隔二千里
秋窗弄筆何從知衆春園荒坡骨蛻媚此頑石吾誰欺
非覺非正非寤喜縱有掌夢難端倪覆蕉鹿墮亦恒事
乘車鼠穴休相疑夢迴冷月射篷罅江月演漾青琉璃

呼鐙作詩省記憶此事突兀當語誰

河口

淺穴晴喧確溪滕晚挂昏江村好風景不擬客愁增
小市團江滸茅堂閒竹籬繫船因水柳勾惹兩鷓鴣
佛樓峙山坳下瞰江水碧有時溼雲生界畫半邊白

長至日廣信舟中

溪郭連山鎖寂寥西江行盡路仍遙倚天塔影圓如笠
春枕灘聲健過潮乍接鄉音增昔感陡驚雲物換今朝
菱溪西去沙溪接誰送鮮鱗佐酒瓢

玉山道上望白雲寺

橫看萬壑松邊寺，側看千株寺外松。
欲聽空山清響沸，喚雲同宿最高峯。

遊定陽石啞寺周覽浴鹿泉問莊亭赤雨樓諸勝

卽贈住僧心成并寄白嶽友人許鉞

行逐樵歌度遠峯，莎橋野寺稱閒踪。
經樓際曉雲仍入，巖溜無風水自春。
石色冷於亭外竹，僧髻蒼似礪邊松。
超超名理標支許，千里何因杖屨從。

徐生邀遊奉恩寺寺有牡丹爲一邑之冠

山城淳朴少花事，鼠姑特數奉恩寺。
春風吹大玉盤盃，賣與遊人日取醉。
江天牢落愁我心，大樹搖響風淒陰。

石塘侈剝鵝子滑拄杖悄對寒江吟徐生愛爾年最少
導入香臺縱清眺寶欄瓊砌尚依然不得傾城媯一笑
僧房地冷希見春一株突見苔梅新碧筠蕭蕭助搖曳
知我亦是無聊人城闕烏鴉晚相及愛惜斜陽緩歸屨
山僧銜冷闕廚烟獨在荒原埽紅葉

遊蘭溪小三洞

靈山拔地何奇雄洞穴有六三可通

用宋金華記中語

古佛最

數棲真院曠士吾愛于介翁

元于石字介翁集中有吾家二首蓋嘗隱于是山吳

禮部師道嘗從學詩稱爲曠士

松花襲衣雜飛霰泉響夾路生悲風陰

崖惜未把炬火失脚幾墮寒烟叢

書汪啟淑蘭溪櫂歌後二首

澗溪溪水縠紋生
日日拏舟溪上行
溪女不知愁客思
晚來漁唱滿江城

土風編入竹枝歌
落日酸風撼碧柯
不用拏音苦相答
青衫已覺淚痕多

道古堂詩集卷二十一